

Broj: 123/25

Sarajevo, 20.03.2025. godine

PREDMET: Zahtjev za dostavu ponuda za nabavku i isporuku pčelarske opreme

LOT 2- PČELARSKA OPREMA

Poštovani ponuđači,

Nevladina organizacija Muslim Aid Association poziva ponuđače da dostave svoju ponudu za nabavku i isporuku pčelarske opreme za potrebe projekata za 2025. i 2026. godinu, a u skladu sa tehničkom specifikacijom koja je data u nastavku ovoga zahtjeva.

1. Predmet poziva

- 1.1. Pozivom se obavlja izbor najpovoljnijeg dobavljača za nabavku i isporuku pčelarske opreme za bavljenje pčelarstvom za realizaciju projekata pčelarstva u 2025. i 2026. godini za LOT 2- Pčelarska oprema,
- 1.2. Rok nabavke i isporuke pčelarske opreme je mjesec april/maj 2025. godine,
- 1.3. Mjesto isporuke je područje BiH (Grad Zenica, Općine Bugojno i Travnik) .Kupac će naknadno dostaviti lokacije/adrese odabranih korisnika projekta za isporuku pčelarske opreme.
- 1.4. Rok važenja ponude je do kraja realizacije projekta.

2. Tehnička specifikacija

2.1. Ponuđač je dužan da dostavi ponudu za osnovnu i dodatnu opremu kako to slijedi u nastavku teksta:

Osnovna oprema:

Naziv artikla	Tehnička specifikacija	Naručene količine
INOX vrcaljka	INOX vrcaljka 6 ramova tangencijalna. Vrcaljka je na ručni pogon pogodna za ekstrakciju meda iz LR ramova. Unutrašnji ekstrakcioni koš je izgrađen od inoxa. Slavina za oticanje meda je od inoxa. Vrcaljka je na željeznim nogama odignuta od zemlje na visinu ne manju od 900 mm. Prečnik vrcaljke je ne manji od 600 mm. Debljina inoxa iznosi min. 0.7mm i isti je u kvalitetu AISI304, kiselo otporni-antimagnetni. Varovi moraju biti vareni pod argonom na automatu bez dodavanja materijala u TIG postupku.	30 komada
Pčelarska jakna	Pčelarska jakna (bluza i šešir) od materijala debeli keper. Jakna je žute boje sa odvojivim šeširo. O potrebnim veličinama dobavljač će biti dodatno obavješten.	30 komada

Pčelarske rukavice	Rukavice kožne pčelarske izrađene od mekane goveđe kože. Dužina platna je minimalno 30 cm izrađenog od keper materijala (100% pamuk). O potrebnim veličinama dobavljač će biti dodatno obavješten.	30 komada
Dimilica	Dimilica sa uloškom INOX. Dimilica je promjera 100mm sa kožnim mjehom.	30 komada
Pčelarski nož	Nož je u tipu tzv.američkog noža sa kukom od Inoxa.	30 komada
Viljuška za otklapanje saća	Držač viljuške je plastični/drveni sa inox iglama za otklapanje	30 komada
Metlica za pčele	Metlica je sa drvenom drškom dvoredno postavljene dlake. Dlaka je prirodna.	30 komada
Španeri	Španer 50mm je zatezni remen dizajniran za sigurno pričvršćivanje tereta tokom transporta. Min dužina je 4 m. Izrađen je od izdržljivog poliestera, a zatezni mehanizam je od čvrstog čelika, osiguravajući pouzdano osiguranje tereta.	150 komada
Cjedilo za med	Cjedilo je dvodjelno prečnika najmanje 240mm. Materijal izrade je INOX	30 komada
Kada za otklapanje meda	Kada stalka izrađena od inoxa sa slavinom. Dužina kade do 1 metar. Kapacitet najmanje 2 rama otklapanja. Inox materijal izrađen u kvaliteti AISI304, kiselo otporni-antimagnetni.	Min. 10 komada- max. 30 komada
Stalak za otklapanje saća	Stalak za otklapanje saća sa dva rama otklapanja i tacnom izrađeni oboje izrađeni u kvaliteti AISI304, kiselo otporni-antimagnetni.	Min. 10 komada- max. 30 komada
Bačva za med	Bačva za med kapaciteta minimalnog kapaciteta od 50 kg meda. Bačva sadrži ručke za nošenje i poklopac kao i slavinu. Materijal izrade je inox u kvaliteti AISI304, kiselo otporni-antimagnetni.	Min. 10 komada- max. 30 komada
Žvrk za užičavanje ramova	Električni žvrk za užičavanje ramova ulaznog napona 220V i izlaznog napona 24V. Sadži elektrostanicu i krokodil-štikaljek.	Min. 10 komada- max. 30 komada

2.2. Količine i nabavka proizvoda

Ponuđač će dati ponude pojedinačno za svaki komad navedene robe kao i za raspone minimalnih i maksimalnih naručenih količina kako je to napisano u sekciji Cijena. Kupac nije obavezan da naruči sve stavke iz gore navedene robe. Kupac će shodno raspoloživim finansijskim sredstvima naručiti gore navedene stavke. Pored toga, kupac može shodno svojim potrebama naručiti i dodatnu opremu ali i odabrati dovaljača samo za određenu opremu.

Ponuđač će dostaviti sve tehničke podatke vezane za proizvode koje nudi uključujući naziv modela, proizvođača i certifikate i ateste. Za Inox vrcaljku i ostali materijal od Inox-a potrebno je dostaviti dokaz da je izrađena od materijala AISI304 kao i fotografije proizvoda. Cijena će uključivati PDV i isporuku na adresi korisnika projekta.

3. Priprema i dostavljanje ponuda

3.1. Ponuđači snose sve troškove vezane za pripremu i dostavljanje njihovih ponuda. Kupac nije odgovoran snositi niti jedan dio troškova pripreme i dostavljanja ponuda.

3.2. Prilikom pripreme ponude ponuđač se mora pridržavati uslova i teksta javnog poziva. Ponuđač ne smije mjenjati ili nadopunjavati tekst tenderske dokumentacije. Ponuda mora da čini cjelinu isprintanu na format papira A4. Cjelokupan sadržaj ponude mora biti uvezan na način da se onemogućiti naknadno vađenje ili umetanje sadržaja. Cijeli tekst koji sadrži ponuda mora biti jasan i vidljiv. Ponuđači su dužni dostaviti original dokumente ili kopije. Sve kopije dokumenata moraju biti ovjerene kod nadležnog organa uprave. Datum ovjere ne smije biti stariji od dana objavljivanja javnog poziva za izbor najpovoljnijeg dobavljača pčelarske opreme. Sve stranice moraju biti numerisane na način da je vidljiv redni broj strane ili lista.

3.3. Ponuda koju dostavljaju ponuđači mora sadržavati najmanje:

- a) Prijava dobavljača na javni poziv,
- b) Porezni i identifikacijski broj poslovnog subjekta,
- c) Rješenja o upisu u sudski registar ili aktuelni izvod iz sudskog registra ili drugi odgovarajući dokument iz kojeg je vidljivo da je registrovan za obavljanje tražene djelatnosti,
- d) Izjavu o podobnosti (pečat i potpis odgovornog lica),
- e) Bilans stanja, bilans uspjeha za 2024. godinu,
- f) Dosadašnje reference u oblasti nabavke i isporuke pčelarske opreme (popunjava se u tabeli),
- g) Izjava da ponuda važi za 2025. i 2026. godinu,
- h) Garancija na kvalitet i kvantitet ponuđene robe,
- i) Dodatne pogodnosti koje nudi dobavljač.
- j) Potpisanu potvrdu o pošticanju procedura (u prilogu)

3.4. Ponuda se dostavlja u originalu. Koverta sa ponudom se dostavlja na adresu:

Nevladina organizacija „Muslim Aid Association“

Koševo 10, 71000 Sarajevo, BiH

Sa naznakom „Ponuda za nabavku i isporuku pčelarske opreme LOT 2 za 2025. i 2026. godinu“

Na koverti mora biti naznačen naziv i adresa ponuđača ponude.

3.5. Dopune i izmjene ponude

Ponuđači mogu izmjeniti ili dopuniti svoje ponude prije isteka roka za dostavljanjem ponuda. Izmjene i dopune se dostavljaju na isti način kao i osnovna ponuda sa obaveznom naznakom da se radi o izmjeni ili dopuni ponude. Ponuđač može u istom roku odustati od svoje ponude na način što će dostaviti posanu izjavu o odustajanju na javnom pozivu.

3.6. Odredbe koje se odnose na grupu ponuđača

Grupa ponuđača je dva ili više privrednih subjekata, kao ponuđača, koji su dostavili zajedničku ponudu. Ponuda mora sadržavati podatke o svakom članu grupe ponuđača pojedinačno kako

je navedeno u članu 3.3. Ponuda grupe ponuđača mora sadržavati podatke o tome koji član grupe ponuđača je nosilac ponude/predstavnik grupe ponuđača. Članovi grupe ponuđača su dužni u obliku pravnog akta dostaviti zajedničku ponudu koja mora sadržavati naziv nosioca ponude, odgovornost pojedinačno svakog člana iz zajedničke ponude i udio svakog člana u zajedničkoj ponudi. Ponuđač koji je samostalno podnio ponudu ne može biti član grupe ponuđača u istom postupku javne nabavke. Grupa ponuđača odgovara za svoje obaveze.

3.7. Rok za dostavljanje ponuda

Rok za dostavljanje ponuda je 28.03.2023. godine do 12:00 sati. Komisija za sprovođenje poziva za ponudu će sve prispjele ponude provjeriti i analizirati, te o ishodima dostavljenih ponuda obavijestiti dobavljače.

3.8. Način plaćanja

Kupac će cjelokupan iznos uplatiti nakon dostavljanja tražene robe na adrese korisnika projekta. Naručene količine biti će regulisane narudžbenicom koja će biti dostavljena prodavaču prije isporuke. Količine i termini isporuke biti će definisani narudžbenicom.

3.9. Kriterij dodjele ugovora

Ugovor o kupovini i isporuci pčelarske opreme će biti dodjeljen ponuđaču koji zadovolji najoptimalniji odnos između ponuđene robe i cijene iste. Vrlo važan parametar prilikom odabira ponuđača biti će parametri: kvalitet usluge koju nudi dobavljač, kapacitete koje posjeduje kao i mogućnost odgovora na dobijeni posao u određenom vremenskom intervalu kao i prethodne reference. Kriterij za odabir ponude neće biti zasnovan isključivo na parametru koji se tiče ponuđene cijene. Muslim Aid Association će navedene parametre bodovati shodno MA Pravilima i procedurama nabavki.

Nakon toga ponuđači će biti obavješteni o ishodima njihovih ponuda pčelarske opreme najkasnije do 01.04.2023. godine do 15.00 sati. Svi ponuđači biti će obaviješteni putem e-pošte. Sa odabranim ponuđačem kupac će potpisati Ugovor za nabavku i isporuku pčelarske opreme za 2025. i 2026.. godinu.

Format prijave dobavljača

Osnovni kriterij

Da biste se kvalificirali kao dobavljač, morate biti u mogućnosti odgovoriti "Da" na sve osnovne kriterije. Nakon što prođete osnovne kriterije dobit ćete ocjenu prema kriterijima sposobnosti i komercijalnosti.

Osnovna pravila i uslovi prijavljivanja			
1	Dobavljač se slaže sa pravilima Muslim Aid-a (navedenima u nastavku). Dobavljač je dužan osigurati da osoblje i podizvođači za vrijeme trajanja ugovora poštuju obavezne pravilnike Muslim Aida: 1. Muslim Aid globalna zaštita privatnosti, 2. Muslim Aid politika protiv pranja novca i finansiranja terorizma, 3. Muslim Aid politika protiv podmićivanja i korupcije, Muslim Aid politika protiv prevare	Da / Ne	Primjedbe
Poslovna podobnost			
1	Dobavljač je registrovano zakonito poduzeće ili registrirano za trgovanje i plaćanje poreza prema potrebi i za to nudi kopije relevantnih potvrda.	Da / Ne	Komentari
2	Dobavljač prihvata Uvjete i odredbe o nabavci Muslim Aid-a Aneks 3 ITT-a i prihvata da će svi radovi biti završeni prema unaprijed dogovorenoj FWA proceduri koja je priložena u prilogu za prijavu.	Da / Ne	Komentari
3	Dobavljač osigurava da nije direktno ili indirektno uključen u terorizam ili financiranje terorizma ili da ima bilo kakve poslovne odnose s oružanim grupama ili vladama u bilo koje svrhe povezane s ratom.	Da / Ne	Komentari
	Dobavljač potvrđuje da može ispuniti zahtjeve (Tehničke specifikacije) navedene u javnom pozivu i može isporučiti pčelarsku opremu u roku od 20 kalendarskih dana nakon primitka Narudžbenice od strane kupca.	Da / Ne	Komentari

	Dobavljač će ponuditi garanciju od 1 godinu dana na pčelarsku opremu od momenta isporuke iste.	Da / Ne	Komentari
4	Dobavljač izjavljuje da nije na državnoj crnoj listi ili listi sankcija	Da / Ne	Komentari

Opći podaci o dobavljaču

1. Opće informacije

Naziv preduzeća:		
Ime kontakt osobe:		
Telefon:	Fax:	
Email:	Matična kompanije (ukoliko postoji):	
Glavna adresa:	Registrovana adresa:	Adresa plaćanja
Registracijski broj:	Porezni broj:	
Pravni status (jedini vlasnik/partnerstvo/kompanija)		
Godina registracije:	Godišnji promet:	

2. Molimo navedite detalje o tipu vaše kompanije (proizvođač, distributer, itd.)

--

3. Molimo navedite detalje o osnovnim proizvodima/uslugama kompanije.

--

4. Detalji o svim pogodnostima ili dodatnim uslugama koje vase preduzeće može ponuditi Muslim Aid Association u sklopu ugovora:

5. Da li ste do sada isporučivali Vaše proizvode na području cijele Bosne i Hercegovine: _____

6. Broj godina relevantnog iskustva u pružanju sličnih roba ili usluga: _____ godina

7. Broj zaposlenih radnika u Vašoj kompaniji: _____ radnika

8. Koji je najkraći vremenski period za isporuku vaših proizvoda nakon što primate narudžbenicu od strane Muslim Aid Association: _____ dana

9. Da li posjedujete certificate za Vaše proizvode i navedite koje:

10. Molimo navedite detalje o Vašim prethodnim klijentima (po mogućnosti nevladine organizacije):

R.br.	Organizacija/preduzeće	Kontakt telefon	E-mail	Godina isporuke usluge/proizvoda	Količina i opis isporučenih proizvoda
1					
2					
3					
4					
5					
6					
7					
8					
9					
10					
11					
12					

Muslim Aid Association zadržava pravo da kontaktira svakog od gore navedenih kupaca u cilju provjere informacija. Dodatno moguće je zatražiti i pismeni dokaz o količini isporučenih proizvoda i njihovoj kvaliteti.

Finansijska ponuda (Cijena)

1. Navedite ovdje cijene uključujući PDV i isporuku koje nudite Muslim Aid Association kao dio ovog ugovora, uključujući valutu izraženu u KM (konvertibilne marke). Molimo pogledajte specifikaciju za detalje o tome što mora biti uključeno.

Oprema:

Naziv artikla	Cijena/komad (KM)	Ukupne količine (KM)
INOX vrcaljka		30 kom: _____
Pčelarska jakna		30 kom: _____
Pčelarske rukavice		30 kom: _____
Dimilica		30 kom: _____
Pčelarski nož		30 kom: _____
Viljuška za otklapanje saća		30 kom: _____
Metlica za pčele		30 kom: _____
Španeri (pakovanje 5 komada)		30 kom: _____
Cjedilo za med		30 kom: _____
Inox kada za otklapanje saća		10 kom: _____ 20 kom: _____ 30 kom: _____
Stalak za otklapanje saća		10 kom: _____ 20 kom: _____ 30 kom: _____
Bačva za med		10 kom: _____ 20 kom: _____ 30 kom: _____
Žvrk za satnu osnovu		10 kom: _____ 20 kom: _____ 30 kom: _____

Napomena: Sve cijene potrebno je izraziti po komadu i prema ukupnim količinama kako je gore napisano.. Španeri dolaze u pakovanju po 5 komada i potrebno je izraziti cijenu za 5 komada španera. Kupac će u obzir uzimati navedene cijene i prema raspoloživim projektnim sredstvima rangirati dobavljače I naručiti gore navedene proizvode. Količine proizvoda unutar pojedinačnih stavki koje su navedene u tekstu Javnog poziva se neće mjenjati.

Potvrda dobavljača o poštivanju procedura

Mi, kao dobavljač, ovime potvrđujemo naše slaganje sa sljedećim:

- Tražene specifikacije proizvoda
- Uslovi javnog poziva
- Muslim Aid Association uslovi i odredbe nabavki,
- Muslim Aid Association globalna politika zaštite,
- Muslim Aid Association politika protiv pranja novca i antiteroristička politika finansiranja,
- Muslim Aid Association politika borbe protiv mita i korupcije,
- Muslim Aid Association politika borbe protiv prevara.

Sljedeći dokumenti i predmeti uključeni su u našu ponudu:

- Opći podaci o dobavljaču,
- Cjenovni prijedlog dobavljača,
- Prateći dokumenti.

Potvrđujemo da Muslim Aid Association može razmotriti našu ponudu i garantujemo za ovdje date izjave.

Prihvatanje od strane dobavljača:

.....

Potpis

.....

Ime

.....

Pozicija na poslu

.....

Kompanija

.....

Datum

